


MEDIA24 BEHEREND EIENDOMS BEPERK
(In die Republiek van Suid-Afrika geïnkorporeer)
(Registrasienumer: 2006/021408/07)
(“Media24”)

'n Volledige afskrif van die finansiële jaarstate is beskikbaar op die Media24-webwerf.



OORSIG

Soos tradisionele mediamaatskappye regoor die wêreld, word Media24 steeds deur strawwe ekonomiese toestande en grootskaalse strukturele veranderinge in die bedryf geraak. Ondanks hierdie uitdagings het omset met 5% tot R8,2mjd gestyg, terwyl handelswins van R519m 5% laer was as die vorige jaar. Groter doeltreffendheid en kostebesparings in ons tradisionele mediawerksaamhede bly deurslaggewend. Ons het beleggings in verwante nuwe groeigebiede aansienlik verhoog om ons omsetbasis te diversifiseer en die langtermyn-volhoubaarheid van ons besigheid te verseker.

BEDRYFSOORSIG

Ons drukkerij-onderneming, Paarl Media, het goeie vordering gemaak om produktiwiteit en bedryfsdoeltreffendheid te verhoog. Ons het ook ons voetspoor uitgebrei deur na nuwe markte te diversifiseer en nuwe kontrakte vir drukwerk op die Afrika-vasteland te verkry.

Advertensie- en sirkulasie-inkomste in ons nuus-afdeling was onder druk. Die groei in intekenare teenoor die vorige jaar is bemoedigend. Sirkulasie het die afgelope paar maande gestabiliseer en ons plaaslike koerante en digitale voetspoor is uitgebrei. Goeie vordering is gemaak om die nuusbesigheid in 'n 24-uurnuusdiens op beide drukmedia- en digitale platforms te omskep. Video-ateljees is in Johannesburg en Kaapstad op die been gebring. Media24 Nuus is nou die tweede grootste digitale nuusuitgewer in Suid-Afrika, met belowende groei in digitale intekenare op die nuusplatforms van ons groot Afrikaanse dagblaai - *Die Burger, Beeld* en *Volksblad*.

Die tydskrifte-afdeling het 'n uitstekende jaar gehad. Verskeie inisiatiewe is geloods om dalende advertensie- en sirkulasie-inkomste teen te werk. Ons het steeds die grootste marktaandeel ten opsigte van sirkulasie- en advertensie-inkomste onder die top vyf uitgewers in die land. Verkope van digitale uitgawes het jaar tot jaar met meer as 120% gestyg en die afdeling het sterk groei in sy digitale voetspoor op die web, tablet- en mobiele platforms aangeteken.

Ons boekuitgewers het goed gevaar. Die opvoedkundige uitgewer, *Via Afrika Publishers*, het baat gevind by die finale inwerkstelling van die Suid-Afrikaanse skoolkurrikulum en is die derde agtereenvolgende jaar as Sefika se Opvoedkundige Uitgewer van die Jaar aangewys. *Jonathan Ball Publishers* het hom weer as markleier in sy segment gevestig en *NB-Uitgewers* het 33 literêre pryse ingepalm.

Te midde van dalende koerant- en tydskrifvolumes het ons verspreidingsbesigheid, On the Dot, daarop gefokus om sy netwerk te verbeter en sodoende verspreidingskoste verder te verminder. Ons het ook ons pakhuis- en aanlyn-vervullingsbesigheid uitgebrei.

24.com, die voorste digitale uitgewer in Afrika, het gemiddelde daaglikse bladlese oor sy netwerk met 15% verhoog, en gemiddelde daaglikse bladbesoeke met 16% jaar tot jaar. Mobiele gehore het sterk gegroei en 24.com bereik nou 350 000 daaglikse aktiewe gebruikers deur sy tablet- en mobiele media-apps. *News24* en *Careers24* het hul werksaamhede in Nigerië uitgebrei.

McGregor BFA, ons finansiële datadiens-afdeling, het in November 2013 I-Net Bridge verkry. Die gekombineerde entiteit - handelsnaam *INET BFA* - is goed geposisioneer om die voorste verskaffer van Afrika-data aan beleggers en ondernemings in Suid-Afrika en regoor die wêreld te word.

Ons e-modebesigheid *Spree* het hom as 'n voorloper in Suid-Afrikaanse aanlynmodewinkels gevestig sedert dit in April 2013 bekend gestel is. Benewens vrouemodes is verskeie nuwe kategorieë, waaronder huisdekor en 'n kinderafdeling, geloods.

DIREKTORAAT

Op 1 Januarie 2014 is mev Jo-Ann Held as 'n onafhanklike, nie-uitvoerende direkteur van Media24 en Media24 Eiendoms Beperk aangestel. Mnr Manie Mayman is as die Media24-direkteur verantwoordelik vir die finansiële funksie op dieselfde datum aangestel. Die verkorte *curricula vitae* van alle direkteure verskyn op Media24 se webwerf. Mnr Koos Bekker het op 31 Maart 2014 uit die Media24-direksie getree.

FINANSIËLE OORSIG

Die groep se gekonsolideerde omset het met 5% tot R8,2mjd gestyg vir die jaar. Bydraes tot omsetgroei was afkomstig van boekuitgewery (+10%), drukwerk (+6%), en intekenare-omsetgroei (+25%) wat hoofsaaklik deur die verkryging van I-Net Bridge behaal is, terwyl kontrakuitgewery voordeel getrek het uit die effek van die volle konsolidasie van New Media Publishing. Die groep se fokus op hoër omset uit nie-drukverwante bedrywighede het 'n hupstoot gekry met die weselike groei in e-handelbedrywighede. Advertensie-inkomste het met 3% gedaal, hoofsaaklik weens die verskuiving van nasionale advertensies weg van drukmedia, terwyl sirkulasie-inkomste met 2% afgeneem het.

Gekonsolideerde handelswins het met 5% tot R519m gedaal. Die tydskrifte-afdeling het 'n skitterende handelswins behaal, danksy die hupstoot wat verkry is met die volle konsolidasie van New Media Publishing. Ondanks kostebesnoeiings is die nuus-afdeling se handelswins geknou weens die skerp daling in advertensie-inkomste. Die drukkerij-afdeling het steeds goeie handelswins getoon en voortgebou op inisiatiewe om hul omset buite Suid-Afrika uit te brei. Die groep gaan voort met beduidende beleggings in digitale platforms, finansiële data en e-handel om bedrywighede te diversifiseer, wat gevolglik oor die kort tot medium termyn 'n impak op handelswins het. Dit inaggenome, het handelswins op ons tradisionele drukmedia-bedrywighede jaar op jaar met 2% gegroei.

Die groep se vrye kontantvloei is R351m laer as die vorige finansiële jaar, wat grootliks toe te skryf is aan die laer kontant voortgebring deur bedrywighede en kapitaalbesteding wat R109m hoër is as die vorige jaar.

DIVIDEND

Die direksie beveel aan dat 'n dividend van R144,8m verklaar en aan aandeelhouers betaal word. Dit is onderhewig aan goedkeuring deur die aandeelhouers by die algemene jaarvergadering op 1 September 2014.

WELKOM YIZANI

Welkom Yizani, Media24 se breedtegebaseerde swart ekonomiese bemagtigingskema wat in 2006 bekend gestel is, het op 9 Desember 2013 begin verhandel. Dit het die skema se geslote tydperk van sewe jaar beëindig en stel bestaande swart aandeelhouers in staat om hul aandele te verhandel. Dit stel ook die skema oop vir nuwe kwalifiserende aandeelhouers. Op 31 Maart 2014 is altesaam 6 627 transaksies, bestaande uit 1 094 285 aandele ter waarde van R11 562 041, deur die verhandelingsplatform afgehandel.

Die Welkom Yizani algemene jaarvergadering word op 1 September 2014 gehou. Die Welkom Yizani-direksie stel voor dat 'n dividend van R4,3m (2013: R4,2m) aan gewone aandeelhouers verklaar word. Dit beteken 'n dividend van 29,4 sent per gewone aandeel, voor dividendbelasting. Ingevolge die voorkeuraandelooreenkoms word 'n dividend van 46,6 sent per voorkeuraandeel, voor dividendbelasting, voorgestel. Na belasting sal Welkom Yizani gewone aandeelhouers 'n netto dividend van 25 sent per gewone aandeel (2013: 24,4 sent per gewone aandeel) ontvang. Die verklaring van die dividende is onderworpe aan goedkeuring deur aandeelhouers by die algemene jaarvergadering op 1 September 2014.

AANBIEDINGSGRONDSLAG

Die opgesomde gekonsolideerde finansiële state is opgestel uit die volledige stel geouditeerde finansiële state vir die jaar geëindig 31 Maart 2014. Laasgenoemde is opgestel in ooreenstemming met Internasionale Finansiële Verslagdoeningstandaarde (*IFRS*) en die Internasionale Finansiële Verslagdoenings- en Interpretasiekomitee (*IFRIC*) se interpretasies wat uitgereik en van krag was of uitgereik en vroeg aanvaar is, en op die wyse wat deur die Suid-Afrikaanse Maatskappijwet 71 van 2008 vereis word. Die opgesomde gekonsolideerde finansiële state moet saamgelees word met die volledige stel geouditeerde gekonsolideerde finansiële jaarstate. Die rekeningkundige beleid is konsekwent toegees op al die jare wat teeragegee word, tensy anders vermeld.

Kernwesensverdiensle sluit eenmalige en nie-bedryfsitems uit. Na ons mening is dit 'n nuttige maatstaf van die groep se volhoubare bedryfsprestasie. Dit is egter nie 'n omskrewe term ingevolge IFRS nie en is nie noodwendig vergelykbaar met maatstawe met soortgelyke name wat deur ander maatskappye in hul verslae gebruik word nie.

Die finansiële resultate is opgestel onder toetsing van Manie Mayman, finansiële hoof van die Media24-groep.

VERSLAG VAN DIE ONAFHANKLIKE OUDITEUR

Die opgesomde gekonsolideerde finansiële state is geaudit deur PricewaterhouseCoopers Geïnk., geregistreerde ouditeur. Hul ongekwalifiseerde ouditmening is op aanvraag gedurende gewone kantoorure by die maatskappye se geregistreerde kantoor beskikbaar (kontakpersoon: Manie Mayman). Enige verwysing na toekomstige finansiële prestasie in hierdie aan-kondiging is nie deur PricewaterhouseCoopers Geïnk. nagegaan nie en hulle het nie daarvoor verslag gedoen nie.

Namens die direksie

Rachel Jaftha
Voorsitter

Esmaré Weideman
Uitvoerende hoof

Kaapstad
23 Junie 2014

Direkteure

R C C Jaftha (voorsitter), E Weideman, G M Landman, S S de Swardt, H R Botman, D Meyer, L N Jonker, N P van Heerden, H S S Willemsse, J C Held, S J Z Pacak, A Mayman

Groepmaatskappyskryfsekretaris

L J Klink

Geregistreerde kantoor

Heerengracht 40, Kaapstad 8001
(Posbus 2271, Kaapstad 8000)

Oordragsekretaris

Equity Express, 'n afdeling van Singular Systems Eiendoms Beperk
Corlettrylaan 71, Birnam 2196
(Posbus 1266, Bramley 2018)

	Jaar geëindig 31 Maart	
	2014 Geouditeer R'm	2013 Geouditeer R'm
GEKONSOLIDEERDE INKOMSTESTATE		
Omset	8 171	7 790
Koste om dienste te lewer en goedere te verkoop	(5 488)	(5 217)
Verkoops-, algemene en administratiewe uitgawes	(2 175)	(2 054)
Ander winste/(verliese)	85	(10)
Bedryfswins	593	509
Rente ontvang	16	18
Rente betaal	(81)	(136)
Ander finansieringskoste - netto	(25)	(22)
Belang in ekwiteitsverantwoorde resultate van geassosieerde maatskappye	(2)	-
Belang in ekwiteitsverantwoorde resultate van gesamentlike ondernemings	28	48
Winst/(Verliese) met verkrygings en verkope	78	(27)
Wins voor belasting	607	390
Belasting	(241)	(177)
Wins vir die tydperk	366	213
Toeskryfbaar aan:		
Aandeelhouers van die groep	288	183
Nie-beherende belang	78	30
	366	213
Kernwesensverdiensle vir die jaar	142	259
Wesensverdiensle vir die jaar	255	255

	Jaar geëindig 31 Maart	
	2014 Geouditeer R'm	2013 Geouditeer R'm
REKONSILIASIE VAN BEDRYFSWINS MET HANDELSWINS		
Bedryfswins	593	509
Amortisasie van ontasbare bates	11	27
Ander (winste)/verliese	(85)	10
Handelswins	519	546

	Jaar geëindig 31 Maart	
	2014 Geouditeer R'm	2013 Geouditeer R'm
VERKORTE GEKONSOLIDEERDE STATE VAN OMVATTENDE INKOMSTE EN VERANDERINGS IN EKWITEIT		
Saldo aan die begin van die tydperk	2 123	988
Wins vir die tydperk	288	183
Totale ander omvattende inkomste, na belasting, vir die tydperk	4	-
Kontantvloei- en ander veranderinge	-	(5)
Beweging in ander reserwes	4	4
Belasting op ander omvattende inkomste	-	1
Veranderinge in ander reserwes	(135)	939
Beweging in aandeelgebaseerde vergoedingsreserwe	2	2
Beweging in ander reserwes	5	(2)
Dividende betaal aan aandeelhouers	(142)	(138)
Kapitaalbydrae	-	1 077
Veranderinge in nie-beherende belang	55	13
Totale omvattende inkomste vir die tydperk	78	30
Dividende betaal aan nie-beherende belanghebbendes	(23)	(16)
Beweging in nie-beherende belang in reserwes	-	(1)
Saldo aan einde van tydperk	2 335	2 123
Bestaande uit:		
Aandelekapitaal en -premie	4 867	4 867
Teruggehoue verdiensle	88	(44)
Aandeelgebaseerde vergoedingsreserwe	63	60
Bestaandebeheer-besigheidsaansuiwingsreserwe	(4 048)	(4 067)
Kapitaalbydrae	1 077	1 077
Verskansingsreserwe	(1)	(1)
Aktuariële hermetingsreserwe	1	-
Valuta-omrekeningsreserwe	18	16
Nie-beherende belang	270	215
Totaal	2 335	2 123

	Jaar geëindig 31 Maart	
	2014 Geouditeer R'm	2013 Geouditeer R'm
VERKORTE GEKONSOLIDEERDE STATE VAN FINANSIËLE POSISIE		
BATES		
Nie-bedryfsbates	3 378	3 051
Bedryfsbates	2 494	2 502
Totale bates	5 872	5 553
EKWITEIT EN LASTE		
Kapitaal en reserwes	2 335	2 123
Nie-bedryfslaste	591	1 047
Bedryfslaste	2 946	2 383
Totale ekwiteit en laste	5 872	5 533

	Jaar geëindig 31 Maart	
	2014 Geouditeer R'm	2013 Geouditeer R'm
VERKORTE GEKONSOLIDEERDE STATE VAN KONTANTVLOEI		
Kontantvloei gegenereer uit bedryfsaktiwiteite	436	658
Kontantvloei aangewend in beleggingsaktiwiteite	(558)	(317)
Kontantvloei aangewend in finansieringsaktiwiteite	(171)	(359)
Netto beweging in kontant en kontantekwivalente	(292)	(18)
Valuta-omrekenings effek	1	1
Kontant en kontantekwivalente aan begin van tydperk	(144)	(127)
Kontant en kontantekwivalente aan einde van tydperk	(435)	(144)

	Jaar geëindig 31 Maart	
	2014 Geouditeer R'm	2013 Geouditeer R'm
BEREKENING VAN WESENS- EN KERNWESENSVERDIENSTE		
Netto wins toeskryfbaar aan aandeelhouers	288	183
Aangesuiwer vir:		
- Waardedaling van klandisiewaarde/ander bates	41	29
- Verlies met verkoop van eiendom, aanleg, toerusting en ontasbare bates	15	6
- (Wins)/verlies met verkoop van beleggings	(82)	33
- Wesensverdiensle-aansuiwings van gesamentlike ondernemings	-	7
Totale belastingeffek van aansuiwings	(5)	(2)
Totale aansuiwering vir nie-beherende belang	(2)	(1)
Wesensverdiensle	255	255
Aangesuiwer vir:		
- Besigheidsaansuiwings-verwante koste	4	6
- Amortisasie van ontasbare bates	10	20
- Valutaverliese	14	25
- Billikewaarde-aansuiwering op verkoopaanspreeklikheid	(142)	(37)
- Kernverdiensle-aansuiwings van gesamentlike ondernemings	1	(10)
Kernwesensverdiensle	142	259